

**PM sumbang 402 ekor lembu sempena Aidiladha
Utusan Online
November 06, 2011**

PEKAN 5 Nov. - Perdana Menteri, Datuk Seri Najib Tun Razak yang juga Ahli Parlimen Pekan dan isteri, Datin Seri Rosmah Mansor menyumbangkan 402 ekor lembu untuk dikorbankan sempena Hari Raya Aidiladha esok.

Seramai 280 penerima terdiri daripada masjid, surau dan pertubuhan bukan kerajaan (NGO) dalam kawasan Parlimen Pekan menerima sumbangan lembu tersebut.

Majlis penyerahan wakalah dan watikah korban untuk Parlimen tersebut disempurnakan oleh Timbalan Ketua UMNO Bahagian Pekan, Datuk Ishak Mohamed di Bangunan UMNO Pekan di sini hari ini.

"Seharusnya umat Islam perlu bersyukur kerana sambutan Aidiladha dapat diraikan dengan penuh keamanan tanpa sebarang kesulitan.

"Rezeki yang dilimpahi berupa haiwan ternakan yang hendak dikorbankan boleh diperolehi dengan begitu mudah tanpa sebarang masalah," katanya.

Katanya, sumbangan itu merupakan satu amanah yang perlu dilaksanakan dengan sebaiknya dan memastikan daging korban tersebut diagih secara adil di kawasan masing-masing terutama kepada golongan memerlukan.

Hakcipta Terpelihara © UTUSAN MELAYU (M) BERHAD

Source:

http://www.utusan.com.my/utusan/info.asp?y=2011&dt=1106&pub=Utusan_Malaysia&sec=Dalam_Negeri&pg=dn_02.htm